

جريدة حاكمية

جمعه ايرتسى

نومرو ۳۷۹ جازى الاول ۱۸ سنه ۱۳۰۴
كانون ثانى ۳۰ سنه ۱۳۰۲ صحيفه ۳۹۸۳

- اشبو غزته بهر هفته جمعه ايرتسى كونلى چيقار سنه لكى در سعادت ايچون مجيديه
- يكرمى غروش حسابيله التمش غروشدر طشره لر ايچون اون بش غروش پومسته اجرتى ضم اولنور بهر
- نسخه سى بنه مجيديه يكرمى غروش اولق اوزره يوز پاره به هر يرده صا تيلور درج اولنه جق اعلانا تىك
- هر برندن بر مجيديه اخذ اولنور سنه لكنه مشرى اولق استيانلر عدليه نظارتى دائره سنده كاشن
- جریده محاکم اداره سنه مراجعت ايتليلدر

قسمت سى

توجيها ت

محكمة تمير باش مدعى عمومى لى رتبه بالا ايله
محكمة تمير اعضاسندن عطف و قتلو رضا بك افندى
حضرتلر بنه
محكمة تمير اعضالى مجله جمعيتى اعضاسندن
فضيلتلو عمر افندى حضرتلر بنه
محكمة تمير اعضالى محكمة استيناف اعضاسندن
سعادتلو بها بك افندى به
جزاير بحر سفيد ولايتى داخلنده ايصاره بدایت
محكمة سى رياستى پولهن ت بدایت محکمه سى رياستندن
مستعفى مصطفى توفيق افندى به توجيه بيورلشدر

(فى ۲۶ كانون ثانى سنه ۳۰۲ تاريخنده عموم)
(ولايت مدعى عمومى لر بنه ياز يلان محررات)
(عموميه نك صو رتيدر)

بو کره با اراده سنه تعديل ونشر اولنان خرج
تعرفه سنده مجيدى نك قاچ غروش قبول اولنه جفته
دائر صراحت اولماسنه بناء بعض طرفدن
استفسار معامله اولنمقدن ناشى كيفيت باب عاليدن
لدى الاستيدان فى ۲۶ رجب سنه ۳۰۴
تاريخيله با بيورلدى سامى صورتى تبليغ بيوريلان
شوراي دولت تنظيمات دائره سى مضبوطه سنده
قديم تعرفه نك وضعى تاريخنده تاسس ايدن قاعده
وجهله مجيدى نك كا فى السابق يكرمى غروش
قبولى لزومى كوسترلمش اولغله اكا كوره ايفاي
معامله اولنمق ايچون ايچاب ايدنلره تبليغات
مقتضيه اجراسى ضمننده اشبو تکرير ايتك نسخ

مطبوعه كافييه ومصدقہ سى لفا ارسال قلنديغى
بيانيه شقه ترقيم قلندى

(فى ۲۷ كانون ثانى سنه ۳۰۲ تاريخه عموم)
(ولايت مدعى عموميلر ياز يلان عموميه نك)
(صورتيدر)

بعض محاكمه ملل موسويه نك اجراى تحليفلى
ايچون آخرت كوملكى ياد اولنان بر علامت
مخصوصه اوزرينه يمين ايتلى تكليف اولديغندن
شكائيله بونلك تورات اوزرينه يمين ايتلى
صورتلك اصول انحاذى بوكره خاخام باشليقدن باتقرير
افاده اولنش وبو صورت سائر ملل غير مسيله
حقتده جارى اولان يمين اصولنه موافق بولنش
اولغله بعدازين بو ديلرك حضور محكمه ده تورات
اوزرينه اجراى تحليفلى لازم كاه جكنك اقتضا
ايدنلره تبليغ واشعارى ضممنده اشبو تحريراتك
نسخ مطبوعه كافييه سى لفا ارسال قلنش اولغله
اكاكوره ايجاب حالك اجراسى سياقنده شقه تحي
ترقيم قلندى

(رزى نظامنامه سندن مابعد)

رزى اداره سنجه بو بولده وقوع بوله جق استعمار
اوزر بنه سنه سى ايچنده يالكز بر دفعه دن زياده
ويرلامك و دكانلرك تقسيماتى حقتده متخذ اولان
اصول و ترتيبات ايله قابل توفيق اولق شرطيله

رخصت ويريلور و كيفيت رخصتنامه به تحري
ايديلور .

اوتوز التجى ماده توتونچيلرك رزى اداره سى
طرفندن صاتيغله چيقارلمش اولان توتونلرك هر
نوع وجنسندن لزومى مقدارينك دكانلردن
بولنديرملرى لازمدر .

توتونچيلر دكانلرينك بولنديغى دائره داخلكنده كى
دبويدن پشين آقچه ايله توتون مبايعه ايدم بيلورلر .

توتونلرك دبويدن دكانه نقلى مصارفى ايله دكان
محللك تاسيس و محافظه سى مصارفى توتونچى به
مائددر . توتونچيلر توتونلرى وقوطيلرى و پاكترى
وكاغدلرى و ايتكترى يعنى يافتلرى و دكان محللى
تمير طوتوب محل نظافت اولان شيلردن و توتونلرى
اخلال ايدم جك صورتده پيوسنت و يارطوبتلى
محلده بولندير مكدن اجتناب ايتليددر . و بر توتونچى
دكانك ديكر بر توتونچى دكاندن امانت و يا آقچه
ايله توتون آلوب صامسى ممنوعدر .

اوتوز يدنجى ماده دكانچى و كز كنجى توتونچيلر
توتون صاتهرق ايدم جكلى كسب و كاردن
طولايى تمتع و ير كوسندن معافدرلر . فقط توتون
ايله برابر اشياء سائر صاتانلردن سائر اشياء
اوزرندن ايدم جكلى تجارت نسبتنده تمتع و ير كوسى
النه جقدر .

اوتوز سكرنجى ماده توتونچيليكى ترك ايتك
استيان توتونچيلر اون بش كون اول رزى مامورينه
تحريراً افاده حال ايتكه مجبوردر .

بلا سبب مشروع متماذياً بر آى قبالى فلان دكانلرك
تكرار آچيلسى رزى اداره سى منع ايدر .

اوتوز طقوزنجى ماده ممالك اجنيبه دن كلان
سيغاره و انقيه بى و آغز توتوننى صاتانلر (۲۰)
نومرولى ورقه مربوطه ده محرر (ف) اشارتلى
نمونه وجهله بر قطعده استمداء نامه ايله رزى
اداره سندن استحصال رخصت ايتليددر .

رزى اداره سى كندوسنه بو بولده وقوع بوله جق
مراجعت اوزرينه توتونچيلرك رخصتنامه لرينه
داير اوتوز در دنجى ماده ده محررز مانلرده و او شمرطلر
تحتنده اوله رق اوتوز اوچنجى ماده ده مندرج
رسوم رخصتبه يه مساوى رسم الهرق (۲۱)
نومرولى ورقه مربوطه ده محرر (ق) اشارتلى
نمونه وجهله بر رخصتنامه اعطا ايدر . رزى
توتوننى صامق ايچون رخصتنامه اخذ اولنش اولان
دكانلرده بالاده محرر اجني سيغاره و انقيه سى و آغز
توتونى صامغه رزى طرفندن بار رخصتنامه مأذون
اولان توتونچيلر اشبو اجني سيغاره و انقيه
و آغز توتونلرى ايچون بشقه جه رسم رخصتبه
ويرمزلر .

قرقنجى ماده رزى اداره سى جانبندن استحصال
رخصت ايدن توتونچيلر ايله اجني سيغاره
و انقيه سى و آغز توتوننى صاتانلرك بر دفتر

طوتوب كرك برلى و كرك اجنى دخانى اوله رق
يوميه دكانلرينه ادخال و اخراج اولنان دخانك
مقدار و كيتنى اشبو دفترله يازملرى لازم كاه جكى
كبي رزى مامورلى كلوب طلب ايتدكجه مذكور
دفترلك تدقيقيله دكانلرده بولنان دخانك تفتيشنه
اصلاً ممانعت ايدميه جكلردر .

دكان و مغازه لرده اشياء سائر بولمى معاينه يه
مانع اوله ماز رزى مامورلى كز كنجيلر حقتده
دخى تدقيقات تفتيشيه اجرا ايدم بيلورلر .

قرق برنجى ماده تبعه اجنيبه دن اولان
توتونچيلر ايله اجني سيغاره و انقيه سى و آغز
توتوننى صاتانلر طرفندن رزى اداره سنجه اولنه جق
معاينه و تحرياتنه مخالفت اولنديغى حالده رزى
مامورى معاينه و تحرياتنه حاضر بولنق اوزره
مخالفت ايدن كيسه نك منسوب اولديغى دولت
قونسولا توسندن با تذكرة بر مامور طلب ايدر .

تذكرة نك يوم وساعت وصولى مابين اوله رق
قونسولا تودن ممضى بر علم و خبر اعطا ايدلك
لازمدر . قونسولا تو مامورى بوتار يخذن
يكرمى درت ساعت طرفنده محل معاينه يه
كليه جك اولور ايسه موسى اليهك تاخيرته
سبب هر نه اولور ايسه اولسون ارتق و رودينه
انتظار اولنميه رق ختام مدتده رزى مامورلى
حكومت محليه مامورلرك انضمام معاونتيه
تفتيش و تحرياتنه مباشرت ايدرلر .

اوچنجی فصل

(احکام جزایه)

قرق ایکنجی ماده اولاشرطنامه نك اون برنجی ماده سی حکم بنجه ممالک عثمانیه ده حاصل اوله قرق شرقی روم ایلی ایله جبل لبنان و کریدن بشقه مقدما باندیرو اولی اصولی جریان ایتمش اولان ممالک شاهانه ده صرفیات داخلیه به مخصوص اولان توتونلری رژی اداره سندن رخصت المقتسزین مباحه و اعمال و فروخت ایدنلرک توتونلری ضبط اولنور . و جزای نقدی اوله قرق بهر جدید قیه سندن قرق غروش النور .

ثانیاً توتون اوزرندن رسم النان محالرده رژی اداره سنی اشبو رسمدن محروم ایتمکی تصمیم ایله اجرا آتیه تشبیت ایلیانلردن ایکی قات جزای نقدی النور .

ثالثاً رخصتسزویار رخصتنامه ده کوستریلان اراضینک غیر یرده اکیلان توتونلرک تمامی ورخصتنامه ده کوستریلان سطحدن زیاده سطحده زرع اولنان توتونلرک فضلهمی ضبط ویا قلع ایله اکتفا اولنور .

رابعاً تحریر فرقه لرینک معاینه سندن توتونلرینک مجموعنی ویا خود بر مقدار بینی کتم

ایلیانلرک توتونلری ضبط اولنور و جزای نقدی اوله قرق بهر جدید قیه سندن قرق غروش النور .

خامساً بر رژی مأموری رفاقت ایتمکسزین ویا خود نقلیه رخصتنامه سنی حامل اولمقتسزین کرک برآ کرک بحرأ پیراق و قییش توتون نقل ایلیانلرک توتونلرک تمامی ورخصتنامه ده کوستریلان مقدار دن زیاده توتون نقل ایلیانلرک توتونلرینک فضلهمی ضبط اولنور و جزای نقدی اوله قرق بهر جدید قیه لرندن قرق غروش النور .

سادساً رژی نك علامات فارقه سنی حاوی ظرفلر ایچنده اولیه قرق توتون صانانلرک توتونلری ضبط اولنور و جزای نقدی اوله قرق بهر جدید قیه سندن قرق غروش النور .

سابعاً رخصت مخصوصه بی حائر اولدیغنی حالده عسکر توتونی الهرق عسکر اولمیانلره صاتوب کار ایتمکی صنعت اتخاذا ایدنلرک توتونلری ضبط اولنور و جزای نقدی اوله قرق بهر جدید قیه سندن قرق غروش النور .

ثامنناً هر سنه سنه سابقه محصولاتندن اوله قرق اغستوس دخولنده ید اختیارده اولمیان بر سبب مجبره مبنی اولمقتسزین توتونلرینی رژی انبارلرینه

تسلیم ایتماش اولنلرک توتونلری زراعت یدنده زراعت سرکیسی بولنسه یله قحاق اعتبار ایدیلوب یالکز ضبط و مصادره ایله اکتفا اولنور و سبب مجبر تحقننده در حال رژی انبارینه نقل ایدیریلور .

تاسعاً محصولات طوبلانوب ایکنجی تحریر اجرا سندن صکره ترلارده قله جق کوکلرک تخملق ایچون لازمکلان مقدارندن ماعداسنی سوکوب آتمقه زراع هر حالده مجبوردر .

بو مجبوریتی ایضا ایتمیان زراعه ترلارنده کی کوکلر حکومت معرفتیه قلع ایدیریلنکله برابر کندولری یکریمی درت ساعتدن بش کونه قدر حبس دخی اولنور .

عاشراً یکریمی طقوزنجی ماده ده بیان اولنسان یوقلمه ده زراع یدنده بولنسان سرکیلرک حاوی اولدیغنی توتونلردن یا کاملاً ویا قسمارژی انبارلرینه تسلیم اولنیه قرق موجود بولنان توتونلر مصادره اولنور و سرکیلرده محرر توتونلر ایله انباره تسلیم ویا خود رژی نك رخصتیه تجاره صاتلش ویا خود مصادره قلمش اولان توتونلرک بر قاعده چیقار یله جق فیره لرندن بشقه ظهور ایدن نقصانلرینه قحاق نظریله باقیملوب بهر جدید قیه سندن قرق غروش جزای نقدی النور .

حادی عشر زراعت توتونلردن برنجی تحریره نظراً ایکنجی تحریرده نقصان ظهور ایدوده بو نقصانک قحاق قیلقدن انبعاث ایدیلکی رژی اداره سی طرفندن اقامه دعوی اوله قرق اثبات اولنور سه بهر جدید قیه سندن جزای نقدی اوله قرق قرق غروش النور .

اثنین عشر بالاده تعداد اولنان جزار باندیرو اولی جاری اولان محالرک عادی توتونلرینه مخصوص اولوب اسکجه قضاسنک یاقه و قارشو یاقه توتونلرینک بهر کیلولری ایچون ایکیشر قات جزای نقدی اوله قرق سکساز غروش النور .

قرق اوچنجی ماده قحاق توتونلر ایله توتون قیفه مخصوص اولان آلات و ادوات هر کیسک یدنده بولنور ایسه بولنسون رژی اداره سی طرفندن ضبط . قاجیر لدیغنی و تحریر فرقه لرندن کتم ایدیلکی تین ایدن توتونلر موجود دکل ایسه قحاق قیلدن توتونلرک بهر جدید قیه سی ایچون قرق غروش النور .

قرق در دنجی ماده قحاق قیلق جرمنک تکرری حالده بالاده تعداد اولنان جزای نقدیلر ایکی قات اوله قرق حکم و تحصیل ایدیلور .

اگر قحاق قیلق جرمی جبرو شدت ویا خود ساخته اوراق استعمالیه اجرا ایدلش ایسه جزای نقدیلر

كذلك ايكي قات التدقن بشقه مجازات قانونيه سي
 دخی اجرا ایدیلور .
 قرق بشچی ماده زراعته موجب سهولت
 اولیق اوزره اخراجات ایچون تجاره فروخت
 ایلیمه جکاری توتونلرک بازارلغنی صورت تسلیمی
 کندی خانه ومسکنلرنده اجرا ایتک اوزره قطع
 ایتک جائز اولور ایسه ده اولخالده اول امرده
 توتونلرک نقلی ایچون رخصت المی لازمدر . بلا
 رخصت نقل ایدنلردن بوقوله توتونلرک مصادره سیله
 برابر هر قیه سی ایچون جزای نقدی اولهرق قرق
 غروش النور . تکرر وقوعنده مذکور جزای
 نقدی ایکی مثلی انه جقدر .

قرق التنجی ماده رژی اداره سندن رخصت
 مخصوصه استحصال ایتکسزین تجارت قصدیه
 توتون قیغه مخصوص هاوان و بیچاق ایله توتون
 قیغه و سیغاره و سیغارت واغز توتونی وانقیه
 یا پیغه مخصوص سائر هر نوع آلات و ادوات
 اعمال ایدنلر ایله بونلری الوب صاتا نلردن بش
 عدد یوزلک عثمانلی التوندن الی التونه قدر
 جزای نقدی النور .
 قرق یدنجی ماده نزدنده تجارت قصدیه توتون
 قیغه مخصوص هاوان و بیچاق و سائر هر نوع
 آلات و ماکنه بولنان کیسه دن توتون بیعی
 ایچون اداره دن رخصتنامه استحصال ایتش اولسه

بیله ینه بش یوزلک عثمانلی التوندن الی التونه
 قدر جزای نقدی النور و آلات ایله ماکنه لروا کر
 موجود ایسه توتونلرک لازمکلان جزای نقدی سی
 کاملاً بشقه جه تحصیل ایدلک اوزره رژی منفعتنه
 اولهرق اخذ و ضبط ایدیلور .

قرق سکزنجی ماده توتون قیاسر ایکن طوتیلان
 اشخاصدن بش عدد یوزلک عثمانلی التوندن
 الی التونه قدر جزای نقدی النور و توتونلری
 ضبط ایدیلور .

قرق طقوزنجی ماده اقامتکاهنده و یا خود تحت
 اداره لرنده بولنان محللرده ساخته رژی باندرول
 و مارقه لرینی حفظ ایدنلر جزا قانونک یوز التنجی
 ماده سی [۱] احکامنه توفیقاً حبس اولنور و ماده
 مذکورده حبسندن بشقه اولهرق تضمینی ایجاب
 ایده جکی بیان قلنسان ضرر و زیانه بدل بش عدد
 یوزلک عثمانلی التوندن الی التونه قدر جزای
 نقدی النور .

[۱] یوز التنجی ماده هر نوع امتعه و اشیا
 اوزرینه دولت علیه نامنه اولهرق باصنغه
 مخصوص اولان و کرک بر مأموریه و کرک دولتک
 رخصتیه اولان بر شرکته و یا خود بر تجارت
 اوینه مخصوص بولنان هر نوع مهر و تمغا
 و نشانلره تقلید و یا خود او مقوله ساخته تمغا و نشانلری
 استعمال ایلان کیسه اوج سنه حبس ایله مجازات

اولنور . و بساخته کارلغندن طولایی واقع
 اولان ضرر کندوسنه تضمین ایتدیریلور . و هر
 کیم بو مثللو مهر و تمغا و نشانلرک اصللرینی بر
 تقریب اله پکوروبده کرک حکومت و مأموریتلرک
 و کرک بر جمعیت تجارتک و بونلرک امشالی هیئت
 و شرکت مخصوصه نك منفعتنه مضر اوله جق
 حالده استعمال ایلر ایسه الی آیدن بر سنه یه قدر
 حبس ایله تأدیب قلنور . و بو صورتله واقع
 اولان ضرر دخی اول کیسه یه تضمین ایتدیریلور .

التنجی ماده رخصتنامه سز رژی توتونلرینی
 یا خود ممالک اجنبیه دن کتسوریلوب فروختی
 مجاز اولان سیغار و انقیه و اغز توتونی و تنبا کولری
 صاتان و یا خود قولتو قیسلق ایدنلردن خلاف
 نظام حرکتلری ثابت اولدوقده اخذی لازمکلان
 رسم رخصتیه نك ایکی و تکرری حالنده اوج مثلی
 مقدار جزای نقدی النور .

الی برنجی ماده ایسای صنعتده حیلله کارلق
 ایدن و خصوصیه باندرول اوزرنده کوستریلان
 بهادن زیاده بها ایله توتون صاتا نلردن بش عدد
 یوزلک عثمانلی التوندن الی یوزلک التونه قدر
 جزای النور .

الی ایکنجی ماده رژی مأمورلرینه ایسای
 وظائف مأموریت اشناسنده حقارت و مخالفت

ایدنلر حقنده جزا قانونک یوز اون اوچنجی و یوز
 اون دردنجی [۲] ماده لری احکامنه توفیقاً معامله
 اولنور .

[۲] یوز اون اوچنجی ماده عسا کر نظامیه نك
 و حکومت طرفندن علی الاطلاق ضابطه یه
 و اداره یه مأمور بولنانلرک مأموریتلرینی اجراده
 و یا خود اجرا ایتدکلی حکم مأموریتدن طولایی
 قدر و ناموسلرینه نقیصه و بره جک صورتله
 حقارنده معامله حقارته و اطاله لسان و اخافه یه
 جرأت ایدنلر اولور ایسه بر مجیدیه التوندن اوج
 مجیدیه التونه قدر جزای نقدی اخذ اولنور .

و بو مثللو حقارتلر عسا کر نظامیه ضابطه یانی
 و ضبطیه سرکرده لری حقارنده وقوعبولور ایسه
 بر هفته دن بر آیه قدر حبس اولنور . و اگر بو
 مثللو حقارت و اخافه نك اجراسنده شهرسلاح
 ایدن اولور ایسه هر حالده الی آیدن ایکی سنه یه
 قدر حبس اولنور .

یوز اون دردنجی ماده مأموریتدن برینی و یا
 عسا کر نظامیه و ضبطیه دن برنفری مأموریتلرینی
 اجراده ایکن و یا خود اجرا ایتدکلی حکم
 مأموریتدن طولایی ضربه جرأت ایدن اولور
 ایسه ولو بلا سلاح اولهرق اثر جرح ظهور
 ایتسه بیله الی آیدن ایکی سنه یه قدر حبس
 اولنور .

الی ایکنجی ماده رژی مأمورلرینه ایسای
 وظائف مأموریت اشناسنده حقارت و مخالفت

قسم غیر رسمی

محکمه تمیز جزا دآرہ سی

منہمک علیہندہ اکثریت قانونیہ حاصل اولدیغی حالده قواعد عمومیہ اساسیہ حکمنجہ مرقومک لہندہ قلان رأی تخلف ایتمش اولہ جغندن اولوجہلہ قرار ویرلمسی ایجاب ایدر

بوزغاد سنجاغی بدایت محکمه سی جزا دآرہ سنک فی ۲۱ ذی القعدہ سنہ ۳۰۱ وفی ۳۰ اغستوس سنہ ۳۰۰ تاریخی و بوزدرت نومرولی اعلامی اوراق متفرعہ سبیلہ برابر باش مدعی عمومیلک مأموریت علیہ سندن فی ۳ محرم سنہ ۳۰۳ وفی ۱ تشرین اول سنہ ۳۰۱ تاریخی و بیک قرق بش نومرولی تبلیغنامہ ایلہ محکمه تمیز جزا دآرہ سنہ اعطا قلمغله مطالعہ اولتمش و مذکور اعلام مالی منلا اوغلی احدک قتلندن طولابی جنایتلہ اتہام اولنان احد اوغلی عثمانک فوران غضبلہ قتل مذکورہ مجاسرتی ثابت اولدیغندن اولوجہلہ مجرم اولدیغنه دائر اوج رأیہ قارشو مرقومک قتل مذکورک خطاء وقوعندن طولابی حرکتی قانون جزانک بوز سکسان ایکنجی مادہ سی حکمنجہ جنجہ دائرہ سندن اولوب شو صورتلہ تعیین جزاسی حقندہ ایکی رأی حاصل اولدیغنه و بنا برین

اختلاف آرا وقوعنہ نظراً مرقومک جنایت درجہ سندن مجرمیت و مسؤلیتہ حکم قابل اولہ ماش اولسبیلہ بر موجب امر نظارتینہای بو باندہ کی اوراقک محکمه تمیزہ تقدیمہ نرار ویرلدیکنی حاوی بولتمش و تبلیغنامہ دہ دخی اصول محاکمات جزائیہ قانون موقتک ایکوز طقسانجی مادہ سندن مصرح اولدیغی اوزرہ بو مثلوجایت دعوارندہ ویریلہ جک قرارلرہ اکثریت ثلثان آرانک حصولی ایجاب ایدرک شو صورتلہ خصوص مذکورہ مادامکہ قتل مذکورک فوران غضبلہ تهوراً وقوعی حقندہ قانوناً مطلوب اولان اکثریت ثلثان آرا حاصل اولماشدر قواعد عمومیہ اساسیہ یہ نظراً مجرمک لہندہ حاصل اولان رأی تغلب ایدرک اولوجہلہ حکم و قرار ویرلمک لازم کلور ایکن بر نتیجہ بی مفید اولیہ جیق صورتہ تاریخی بیان اولتمسزین امر مشرحہ استناداً اوراق مزبورہ نک محکمه تمیزہ تقدیمہ قرار ویرلمسی بولسز ایدوکنندن قانون مزبورک اوچوز اون دردنجی مادہ سی موجبجہ اعلام مذکورک نقضی طلب اولتمش اولغله محکمه تمیز جزا دآرہ سی فی ۲۱ ربیع الاول سنہ ۳۰۴ وفی ۴ کانون اول سنہ ۳۰۲ تاریخ و ۸۳۳ نومرولی قراریلہ اسباب آتیہ یہ مبنی اعلام مذکورک نقض ایتمشدر

اوراق سائرہ دخی قرآشلہ تدقیقات تمیز یہ اجرانہ

مبادرت اولندی تبلیغنامہ دہ کوسرلدیکی وجہلہ قتل مزبورک متهوراً متهم مرقوم عثماندن وقوعی حقندہ اکثریت قانونیہ حاصل اولدیغی حالده قواعد عمومیہ اساسیہ حکمنجہ مرقومک لہندہ قلان رأی تغلب ایتمش اولسسنہ نظراً محکمه مذکورہ جہ اولوجہلہ حکم و قرار ویرلمسی لازمہ دن ایکن بو طریق قانوندن نکول ایلہ اوراق مذکورہ نک محکمه تمیزہ ارسالنہ قرار ویرلمسی بولسز بولدیغنه مبنی اصول محاکمات جزائیہ قانونک اوچوز اون دردنجی مادہ سندن توفیقاً اعلام مذکورک نقضنہ و اوراق مذکورہ نک محمانہ اعادہ سندن و خرج تعرفہ سنک قرقنجی مادہ سی مفہومنجہ نقض اعلامی خرجی اولان ایکوز غروشک اخذیلہ محکمه تمیزہ لزوم ارسالنہ اکثریتلہ قرار ویرلدی

- (اوچوز برسنہ سی کانون ثانینک یکریمی بشنجی)
- (جمعہ ایرتسی کیجہ سی ساعت ایکی رادہ لرندہ)
- (طوبخانہ دہ فیروزاغا جوارندہ عزت بابانک)
- (قہوہ خانہ سی خارجندہ جرح اولنہرق متأثراً)
- (وفات ایدن چلنکر حسین اغانک اوغلی عمرک)
- (کیفیت قتلندن طولابی مظنون علیہ بولنان)
- (جمال الدین بن اسماعیلک محاکمہ علنیہ سی)
- (ضبطنامہ سیدر)

اوچوز برسنہ سی کانون ثانینک یکریمی بشنجی جمعہ ایرتسی کیجہ سی ساعت ایکی رادہ لرندہ طوبخانہ دہ فیروزاغا جوارندہ عزت بابانک قہوہ خانہ سی خارجندہ جرح اولنہرق متأثراً وفات ایدن چلنکر حسین اغانک اوغلی عمرک کیفیت قتلندن طولابی مظنون علیہ بولنان جمال الدین بن اسماعیلک جنایتلہ اتہامنہ دائر ہیئت اتہامیہ دن تنظیم اولنان ۳ ذی الحجہ سنہ ۳۰۳ تاریخنہ و بوز سکسان درت نومرولی مضبطہ ایلہ استیناف مدعی عمومیلک سنک ۱۸ ذی الحجہ سنہ ۳۰۳ تاریخی و التیوز یتیم بدی نومرولی اتہامنہ سی اوراق متفرعہ سبیلہ ۲۶ ذی الحجہ سنہ ۳۰۳ تاریخندہ محکمه جنایتلہ تودیع اولتمغله بالمطالعہ تفصیلاتی بوباندہ تنظیم اولنان ضبطنامہ دن مستبان اولہ جغنی وجہلہ اصول محاکمات جزائیہ قانون موقتک باب ثانینک فصل رابعندہ محرر اولان معاملات ابتدائیہ بعد الایضا مضبطہ مذکورہ علیہندہ ومدت قانونیہ ظرفندہ ادعای مفسوخیتہ قیام ایلہ اولباندہ متهم وکیل کیغورق افندی طرفندن محکمه یہ ویریلان استدعا اوزرینہ بالجملہ اوراق محکمه تمیزہ تقدیم اولتمق ایچون استیناف مدعی عمومیلک سنہ ارسال اولتمش ایسہدہ مؤخرأ ادعای مفسوخیتدن صرف نظر ایتدکلرینہ دائر وکیل موعی ایلہ امضاسبیلہ ۲۱ صفر سنہ ۳۰۴ تاریخندہ اعطا قلان استدعا اوراقیلہ برلشدیرلمک اوزرہ ذکر اولنان مدعی عمومیلک تودیع اولتمسنہ مبنی اوراق مرقومہ

محکمه به اعاده قلدیغندن سنه مذکوره ربیع الآخر -
بنک یکر می بشجی پنچشنبه کونی متهم جمال الدین
علی الاصول توقیفخانه دن جلب ایله مدعی
عمومی معاونی عزتلو جدی ووکیل مومی الیه
کیغورق افندیلر ومدعی شخص مقبول عمرک
پدری حسین اغا ایله والده سی عایشه خانم حاضر
بولندقلری حالده محاکمه علیه به بالابتدار مرقوم
جمال الدین ایله وکیل مومی الیهه قانون مزبورک
ایکیوز التمش دردنجی وایکیوز التمش بشجی ماده لری
مفاهیمی بعد الاخطار اتهام مضبطه سیله اتهامنامه ضبط
کاتبی جمال افندی به قرائت ایتدیرلدی

مذکور مضبطه نك مالی مظنون علیه جمال الدینک
عمر ایله قهوه خانه ده منازعه ایدرک قهوه خانه نك
خارجنده مرقومی جرح ایلدیکی قهوه جی
عزت بابا و کتبه دن عمرک و خیری و منحصر
جمال افندیلر وخواجه حسنی وریحان اغانک
مع القسم وعلی الدرجات واقع اولان اخبار لریله
تحقیق ایتمش و معاینه راپورتی دخی بو صورتی مؤید
بولمش اولدیغندن وحرکتی قانون جزانک یوز
یتمش دردنجی ماده سنه موافق بولندیغندن جنایتله
اتهامنه قرار ویرلدیکی و اتهامنامه نك مؤدایی
دخی مذکور مضبطه ده مندرج اولدیغی وجهله
مرقوم جمال الدینک متهم بولندیغنی حاویدر

اتهامنامه نك جلاصه سی جانب ریاستدن متهم
مرقومه تفهیم و معاون مومی الیه طرفندن دخی
اسباب اتهامی تفصیل و تشریح اولندقدن صکره

مرقوم سو بیلندیرلدکده وقعه کیجه سی دیبلان
ججه ابرتسی کیجه سی ساعت بر راده لرنده عزت
بابانک قهوه خانه سنه اوغرا یوب یارم ساعت قنر
اوتوردقدن صکره خانه سنه کیدرک یمک یدیکی
واوردانده همشیره سنک خانه سنه کیدوب ایتی
کیجه یاندقدن صکره فرداسی کون دردست
اولندیغنی بالبیان کلیاً انکار تهمت ایلدی اسام
ژورنالیه معاینه راپورتی قرائت ایتدیرلدکده
ژورنال مالی جریان وقعه بی بروجه اتی شهادت
واقعه دائره سنده حکایه ایله برابر مرقوم جل
الدین خانه سنده ارانلدقده پدری مرقومی سیئات
احوالنه مبنی طرد ایتدیکی جهته حکومته تأدیب
اولمشنی بیان بیان ایتکله همشیره سنک خانه سنه
طوتلدیغنی و راپورت مفادی دخی عمرک اوچی
سیوری برالت قاطعه ایله صدرنده و بطننده
حصوله کلان اوچ عدد جریحه دن ذات الپریطون
حاده کله رک متأثراً وفات ایلدیکی بیاندن عبارتدر
مدعی عمومی طرفندن ویریلان پوصله ده اسامیسی
مندرج شهوددن دعوت واقعه اوزرینه کلش
اولان عمر و خیری بکرایله خواجه حسنی وریحان اغا
و محضر جمال افندی و سیتجی حسنی قانون
موقتک ایکیوز التمش سکرنجی ماده سنه توفیقاً
بعد التخلیف منفرداً و مواجته استماع اولندقدن
بولردن عمرک وقعه کیجه سی عزت بابانک
قهوه خانه سنده او یون اوینار لر ایکن ساعت ایتی
بچق راده لرنده عمر سرخوش اوله رق کلوب بر

قهوه ایچدکدن صکره جمال الدین دخی خواجه حسنی
وطانیدیغنی دیگر بر شخص ایله کلدیکنده کندوسی
خانه سنه کتمک اوزره ایکن مرقوم جمال الدین
کندوسنه خطاباً کل خواجه حسنی ایله باریش
دیسینه کندوسیده کسنه ایله طار غنلم بوق دیهرک
خانه سنه کتدیکی و مرقومان جمال الدین و عمرک
یکدیگریله منازعه ایتدکرینی کورمیدیکی و خیری
بک دخی وقعه اخشامی ساعت بر بچقده عزت
بابانک قهوه خانه سنه کیدوب مرقوم عمر دخی
سرخوش اولدیغنی حالده بر کوشه ده سیردیغندن
قهوه جی عزت بابا مرقومی خانه سنه کوندرمک
اوزره قالدیردیغنی صره ده مرقوم جمال الدین
خواجه حسنی و سیتجی دیگر حسنی ایله برابر
قهوه خانه یه کله رک مرقوم عمر ایله برلکده قهوه
ایچر لر ایکن عمرک یدنده بولنان قنجان دوشوب
قیرلمسی وخواجه حسنی ایله بیلنرنده بعض
مناسبتسز سوز جریان ایدرک او رالق جمال الدین
عمره بریومروق اورمسی اوزرینه منازعه ظهور
ایتمش ایسه ده بیلنری تقریق ایلدیکی و کندوسیده
اهالیسن بعضیلرله خانه سنه کیدرکن چشمه
او ککنده کی زقاغک باشنه واردیغنده قهوه
خانه دن طیشارو بریسنک چیقوب امان اورلدم
باغر صقلم المده دیو باغر مقده و او ائشاده ایکی
کشینک دخی چیقوب اشاغی طوغری کتمکده
اولدیغنی کوردی کندن کندوسنه خوف کله رک
خانه سنه کتدیکی وادی السؤال باغران شخصک

عمر اولدیغنی سسندن اکلادیغنی وخواجه حسنی
دخی وقعه کیجه سی ساعت ایتی بچق راده لرنده
جمال الدین و سیتجی حسنی ایله اوچی برلکده
مذکور قهوه خانه یه کیدوب اوراده بولنان
عمر ایله برابر قهوه ایچر لر ایکن عمرک النده کی قنجان
دوشوب قیرلمسی و بونک ایچون بیلنرنده بعض
سوز جریان ایتسی اوزرینه مرقوم جمال الدین
منازعه یه باشلامقده تقریق ایتدکرینی و مؤخرأ
تکرار بیلنرنده منازعه ظهور ایتکله و کندولریده
ینه تقریق ایتک اوزره ایکن جمال الدین هر فصلسه
کندوسنک کوزینه بریومروق اورمقده اچیسندن
رفیق سیتجی حسنی ایله برابر قهوه خانه دن چیقوب
کتدکرینی و چشمه نك اوکنه کلدیکنده مرقوم
عمرک قهوه خانه اوکنده امان دوستلرینی پوشت
اوردی باغر صقلم المده دیو باغردیغنی ایشتدیکی
وریحان اغادخی اوکیجه بر قنجان ماده سسندن
طولایی عمر ایله جمال الدین مضاربه ایتدکری
صره ده اهالی ایله برابر تقریق ایتدکرینی و بعده
قهوه خانه دن چیقوب خانه سنه کتدیکی و محضر
جمال افندی دخی اوکیجه مذکور قهوه خانه ده
ایکن مرقوم جمال الدین ایله رفیق حسنی و دیگر حسنی
کله رک سکر حال اولدیغندن ناشی کوشه ده اوتور مقده
بولنان عمر ایله قهوه ایچدکرینی و عمرک قنجان دوشوب
قیرلمسندن طولایی بیلنرنده بعض سوز اولسنی
معقب جمال الدین عمرک چکده سنه بریومروق اوردیغنی
ائشاده ایاغه قالقوب منازعه یه باشلامقده بیلنری

بالتفريق ابرو ابرو اوتور دقزيرني واولوقت عمر
 جمال الدينه خطاباً ايشته ميدان اچيلدى وشمى
 يكي روولور چيقيش هيج سس چبقار ميورمش ديمكه
 كندوسيده بلكه يته منازعه تجدد ايدر خوفيله
 قالقوب خانه سنه كتديكى وسپنجي حسنى دخی او
 اقشام قهوه خانه ده عمر ايله جمال الدين برقچان
 منازعه سي ايدر اهالی طرفندن تفريق اولنوب
 جمال الدين طيشارو چيقار دقزيرن صكره مرقوم
 جمال الدين يته ايجرو كيروب عمرك اوزرينه
 هجوم ايتمكه وخواجه حسنى دخی تفريق ايتمكه
 ايكن جمال الدين خواجه حسنينك يوزينه برتوقات
 اورمسيله كندوسى وخواجه حسنى قهوه خانه دن
 چيقوب خانه رينه كتدكزيرني وجله سي ايرتسى
 كوني جمال الدينك عمرى اورديغنى ايشدكزيرني
 درميان ايلديز مرقوم سپنجي حسينك استنطاق
 دائره سنده مضبوط اولان افاده سنده جمال الدينك
 عمرك چكه سنه بر بومروق اورديغنى كورديكنى
 سويلديكندن شمى بوراسنى نه ايچون كتم ايلديكى
 استفسار اولندوقده مرقوم حسنى استنطاقده
 اويله شى سويلديكى در خاطر ايله مديكى بيان
 ايتى اوزرينه افاده سيله زيرنده بولنان امضاسى
 ارئه اولندوقده مذكور افاده وامضا كندوسنك
 اولديغنى تصديق ايلدى مرقوم عمرك قبل الوقات
 ضبط اولنمش اولان تقريرى ايله اطه ده خدمتچيك
 ايتديكى بيان اولنهرق بولديريله ميان قهوه جي
 عزت بابانك افاده سي قرائت اولندوقده بولردن
 عمرك افاده سنك مالى وقعه كيجه سي ساعت ايكي به

اغا ايله زوجه سي عايشه خانم دخی سويلديز لكدكه
 مخدوملى عمر مجروحاً خانه رينه كلوب پوليسلر
 افاده سنى الدقزيرنه عقلى باشنده اولديغى حالده
 جارحي جمال الدين اولديغنى سويلديكى ويكرمى
 درت ساعت صكره وفات ايلديكى بيان ايتديلر
 اشبو شاهدك ذات وشهادتله عمرك افاده سنه
 نه ديه جكي مرقوم جمال الدين صورلدوقده
 شاهدردن عمر يكي بعض كره قهوه خانه ده ضرب
 ايلديكى كبريچان اغا دخی پوليس دائره سنده
 كندوسنى طانديغنى سويلديكندن بونلرك شمديكى
 افاده لر يني قبول ايتيه جكنى وفي الواقع خواجه حسنى
 ايله عمر بلك بار شملر يني تكليف ايتش ايسه ده اولكجه
 افاده اولنديغى وجهله كسنه بي ضرب ايتديكى
 وفعل قتلدن اصلا مدخل ومعلوماتى اولديغنى
 بالبيان انكارنده اصرار ايتسى اوزرينه ريچان
 اغانك پوليس دائره سنده كى افاده سي قرائت
 ايتديرلكدكه كورسنه طانیه جنى ايكي شخصك
 قهوه خانه ده منازعه ايتدكزيرني كورمش ايسه ده
 بچاقله يكديكر يني جرح ايتدكزيرني كورمديكى
 مييندر مرقوم عزت بابانك بولديريله رق استماعى
 ضمنده تأخير محاكمه يه محل كوريله مديكى قرار كبر
 اولهرق تفهيم وتحقيقاتك بولدن عبارت ايدوكى
 بيان اولندوقده معاون مومى ايله جدى افندى
 متهم جمال الدين قهوه خانه يه كتديكى مقر
 بولنديغى حالده عمر ايله بينلرنده وقوعى اخبار
 اولنان منازعه بي انكار ايتسى ومع هذا عمرك
 وقعه كيجه سي امان دوستلر يني جمال اوردى
 باغر صقلم المده ديو وقوعبولان فريادينك دخی
 اخبار اولنمشى وجارحي جمال الدين اولديغنه دائر
 عمرك قبل الوقات ضبط اولنان افاده سي قاتلك
 مرقوم جمال الدين اولديغنى درجه ثبوتيه ايصال
 ايلديكندن مجرميتيك تحت قراره التمسنى طلب
 وادعا ايتسى اوزرينه وكيل مومى ايله كيغورق
 افندى كيغورق افندى دخی مدافعانى متصمن بر
 قطعه لايحه اعطا ايتمكه قيديه سي بعد الاستيفا
 قرائت ايتديرلكدكه خلاصه مالى تدقيقات اوليه
 نقصان اولديغى ومخبرلرك اول و آخر وقوعبولان
 افاده لر ي ميان ويكديكر يني ناقص ومكذب بولنديغى
 ومقتول عمرى كشف ايدنلرك تحليفلى اجرا
 اولنديغى جهته معاينه راپورتنده عمرك جرحك
 تأثير ندى وفات ايلديكنه دائر اولان حكيمك
 قبوله شايان اوله ميه جنى وعمر اولكجه سرخوش
 اولديغندن وافاده سي شاهدلردن عزت بابانك
 افاده سنه توفيق ايتديكندن قبول ايليله ميه جكي
 وانجق مرقوم عمر كتديسى جرح ايدنى
 سرخوشلغندن وقرانلقده تشخيص ايله ميه يوب
 لغرض وياخود خطاء جمال الدينك اسمنى ويرمش
 اوله جنى وبناء عليه مرقوم جمال الدينك ادعا
 اولنان كيفيت قتلده مدخل اولديغى بيانيله برائت ذمته

قرار ویرلسی استدعا سندن عبارت اولغله ولدی
السؤال طرفینک بشقه بر دیه جکاری قالدیغی
ا کلا شغلله محاکمه نیک ختام بولدیغی بیان اولنه رق
مذاکره او طه سنه کلندی

مابعدی وار

اعلان

بیک اوچیوز ایکی سنه سی اغستوسنک اونبرنجی
پازار ابرتسی کچه سی ساعت بر راده لرنده غلطه ده
کور یکیلر ایچنده کائن دیمترینک میخانه سنده
اسکمله ایله ضرب و جرح اولندرق اشبو جرحک
تأثیر یله وفات ایدن اشجی انستطاشک کیفیت
جرح وقتلندن طولانی مظنون علیه اولان کوریکلی
اصنافندن امین ایله غیاباً جنایتله اتهام اولنان
والیوم فرارده بولنان اورته بوبلی از قرال یقلی
قره کوزلی و غلطه ده بالق بازارنده قیسوچی
زقاغنده قهوه چی صالح چاوشک بیتوتله ایاقده
بالقیلیق ایتمکده بولنان نام کیرقور شخص شمعی به دکین
اله یکور یله مامش و اصول محاکمات جزائیة قانون
موقنتک ارچیوز یتش برنجی ماده سنه توفیقاً
قانونه اطاعتله محکمه یه کلک اوزره اشبو تاریخندن
بالاعتبار جانب ریاستندن مرقومه اون کون مهل
ویرلس اولغله مدت مذکوره طرفنده محکمه یه

کلدیکی تقدیرده قانونه اطاعت ایتماش نظرله
باقیله رق محاکمه غیاییه سی بالاجرا حقوق مدینه دن
اسقاط و اموالی حجز اولنه جغی و بومدت طرفنده
بر کونه دعوا اقامه سنه حق اوله میه جغی
وبولندیغی محلی بیلنسر خبر ویرمکه وبالجملا
ضابطه عدلیه مأمورلرینک علی الاصول
کندوسنی طومتغه مجبور اولدقیزی بیانیله اعلان
کیفیت اولنور

فی ۷ کانون ثانی سنه ۳۰۲

اینجه محمد افانک ^{۲۰۱}/_{۱۷} نومرولی اعلام مو حینجه
جدی بکه محکوم به دینی اولان مبالغ معلومه نیک
تسویه سیچون فیروز اغا محله سنده حسن اغا
بغچه سی زقاغنده متوفاة والده سی فاطمه خانمندن
انتقالاً متصرف اولدیغی بش نومرولی بر باب
خانه سی بالزایده لیرا یوز غروشدن بیک التیوز
غروش بدل ایله طالبی عهدسنده تقرر ایلدیکندن
تاریخ اعلانن اعتباراً اوتوز بر کون طرفنده بدل
مذکور اوزرینه یوزده بش ضمیله طالب اولنلرک
بک اوغلی بدایت محکمه سی اجرا مأموریتی جانبینه
مراجعت ایلری اعلان اولنور

فی ۱۹ کانون ثانی سنه ۳۰۲

بکقوزده ساکن کرچی اصنافندن خرستو ولد
قسه سطنطینک بلاطده قرانلق میخانه ده ساکن
میخانه چی خرستویه بر قطعه اعلام مو حینجه
مدیون اولدیغی مبلغ معلومه نیک تأمین استیفاسیچون
مدیون مرقومک بوغاز ایچنده چوقلی نام محله ده
متصرف اولدیغی بوندن اقدام تحت حجزه النسان
اون سکر نومرو ایله مرقم سنوی اوتوز غروش
اجاره مؤجله لو دده اوغلی بغچه سی دیمکله عریف
اون بدی سهم اعتباریله بغچه کدیکنندن اون اوچ بیچق
سهم اجاره دن اصابت ایدن یکرمی اوچ بیچق
بر پول حصه سی مزایده سی بوندن اقدام اعلان
واجرا اولنه رق لیرا یوز غروشدن درت بیک
درتیوز غروشه طالبی عهدسنده تقرر ایتمش
اولدیغندن بوندن زیاده یه یوزده بش ضمیله طالب
اولنلرک تاریخ اعلانن اعتباراً اوتوز بر کونه
قدر بکقوز بدایت محکمه سی اجرا مأموریتینه
مراجعتلری اعلان اولنور

فی ۷ جاذی الاول سنه ۳۰۴

وفی ۱۹ کانون ثانی سنه ۳۰۲

روم ایلی قواغنده ساکنه فاطمه خانمک
در سعادت بدایت محکمه سی برنجی حقوق دائره سندن
ویریلان بر قطعه اعلام مو حینجه عایشه خانم ذمتنده
اولان مطلوبنک تأمین استیفاسیچون دابنه نیک طلب
واستدعاسی اوزرینه تحت حجزه الیریلان روم ایلی

قواغنده یالی جاده سنده اوتوز نومرو ایله مرقم
فوقانی و تحتانی درت او طه بی حاوی بر باب خانه
و مشملاتندن مدیونه نیک متصرفه اولدیغی ربع
حصه شایعه سنک تاریخ اعلانن اعتباراً اونبش
کون صکره بالزایده فروخته تشبث اولنه جغی
در سعادت مرکز اجرا دائره سندن اعلان اولنور
فی ۲۲ کانون اول سنه ۳۰۲

صراف اورامک محمد تقی الدین و حسن لطفی
افندیلر ذمتنده با اعلام شرعی الاجغی اولان
مبالغ معلومه نیک تأمین استیفاسی ضمتنده مدیون
مومی البهمک متوفی پدرلری تمغاسی حاجی احمد
افندین انتقالاً متصرف اولدقیزی روم ایلی
حصارنده حاجی کمال الدین افندی محله سنده سید
افندی زقاغنده واقع ایکی نومرو ایله مرقم بر باب
خانه ده کی اوچ سهم اعتباریله ایکی سهم حصه
شایعه لری اشبو تاریخ اعلانن اعتباراً اون بش
کون صکره بالزایده فروخت اولنه جغندن طالب
اولنلرک و بی سورمک استیفانلرک مدت مذکوره
ختامندن صکره در سعادت اعلامات شرعیه اجرا

دائره سنه مراجعت ایلری

فی ۱۹ کانون ثانی سنه ۳۰۲

علی بکک $\frac{۲۰۲}{۸۱}$ نومرولی اعلام موجبچه ظریفه
خانمه محکوم به دینی اولان مبالغ معلومه
تسویه سنه صورت کوستر مدیکندن قاسم پاشاده
تحت الغازی محله سنده مولو یخانه جاده سنده واقع
اونبر نومرو ایله مرقم متصرف اولدیغی برباب
عرصه سنک تاریخ اعلاندن اعتباراً اون بش کون
صکره بالمزایده فروخت ایتدیر یله جکی بک اوغلی
بدایت محکمه سی اجرا مأموریتی جانندن اعلان
اولنور

فی ۲۱ کانون ثانی سنه ۳۰۲

بکقوزده دباغخانه عامره میرزی عزتلو حلی بکک
بکقوزده یالی جاده سنده ساکن بقال حاجی
عبد الرحمن اغایه بکقوز بدایت محکمه سنندن
ویریلان برقطعه اعلام موجبچه محکوم به دینی
اولان مبالغ معلومه تک تأمین استیفاسی ضمنده
مدیون مومی الیهک اقدمجه جز ایدیلان قرتال
قصبه سنه تابع بقه جق قریه سی جوارنده معلوم
الحدود مع باغ برباب کوشکک تاریخندن اون بش
کون صکره بالمزایده فروخته تشببت اولنه جعی
قرتال بدایت محکمه سی اجرا دائره سنندن اعلان
اولنور

فی ۲۰ کانون ثانی سنه ۳۰۲

~~~~~

متوفی شکرچی جعفر صادق اغا ورثه سنک حسن  
اغایه ذمتنده با اعلام شرعی الاجقلمری اولان از خیر

استیفاسی باقی قیلان مبالغ معلومه تک تأمین ضمنده  
مدیون مرقومک عهده سننده بولنان سلططان احد  
جوارنده قبا صقال محله سننده اق بیق جاده سننده  
واقع بر نومرو ایله مرقم بیرام فرونی دیملکه  
معروف برباب فرون کدکنک یوز بکرمی سهم  
اعتبار یله یدی بچق سهم خصه شایعه سی بوندن اول  
مزایده یه قونیه لهرق لیرا یوز غروش حسابیلا  
بیملک بش یوز غروشده طالبی اوزرنده تقرر  
ایتمش اولدیغندن یوزده بش ضمیمه بوندن ده  
زیاده یه طالب اولنلرک اشبو تاریخ اعلاندن اعتبار  
اوتوز بر کونه قدر در سعادت اعلامات شرعیه  
اجرا دائره سنه مراجعت ایللری

فی ۱۰ کانون ثانی سنه ۳۰۲

~~~~~

بیوک چکمجه قضا سننده غاردان قریه لی یورکی
قزی زویجه تک قریه مزبوره لی اوستول اوغلی
پترو ذمتنده کی الاجفنگ استیفاسی چون مدیونک
قریه مزبورده بر اچقه جاده سننده بکرمی نومرولی
برباب اخوری ایکیموز و قرتال تپه موقعنده کی اون بش
نومرولی ایکی اولک باغی یوز الی غروشده داینه
مزبورده اوزرنده تقرر ایتمکله تاریخ اعلاندن
اعتباراً اوتوز بر کون مرورینه قدر یوزده بش
ضممه طالب اولنلرک بیوک چکمجه اجرا مأمور لغنه
مراجعت ایللری اعلان اولنور

فی ۲۲ کانون ثانی سنه ۳۰۲